

Uunga allannguutissatut

siunnersuut

Uunga siunnersuut: Illunut sanaqataaffiusunut taarsigassarsiat pillugit Inatsisartut inatsisaat nr. xx, xx. xxx 2018-imeersoq

(Kommunalbestyrelsi ingerlatitseqqilluni tunisissagaluarpak akit minnerpaaffissaannut piumasagaat)

Pingajussaaneerinermi Naalakkersuisunit saqqummiunneqartoq.

§ 1

1. § 24-mi imm. 5-itut nutaatut ikkunneqassaaq:

”Kommunalbestyrelsi illumik sanaqataaffiusumik utertitamik, pisortat illumik qularnaveeqquteqarfigisaannik tunisinermi, illup nalinganut tunineqarnissaanik, taamaattorli minnerpaamik illup teknikkimut aningaasaqarnermullu tunngasortaata nalinganit akikinnerusumik tunisisoqartannginnissaanik qulakkeerissaaq”.

Allannguutissatut siunnersuummut oqaaseqaatit

Oqaaseqaatit nalinginnaasut

Allannguutissatut siunnersuut inatsisissatut siunnersuutip pingajussaaneernejarnissaanut Sanaartornermut Ataatsimiititaliap isumaliutissiisummut tapiliussaa tunngavigalugu saqqummiunneqarpoq.

Allannguutissatut siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut.

Aalajangersakkami matumani illumik sanaqataaffiusunik, atorneqalernerminniit ukiut 20-t qaangiutsinnagit kommunalbestyrelsimut utertinneqartunik illup taassuma nalinganit akikinnerusumik, taamatullu illup teknikkimut aningaasaqarnermullu tunngasortaata nalinganit akikinnerusumik tunisisoqartannginnissaa qulakkeerniarneqarpoq. Illup teknikkimut aningaasaqarnermullu nalinga teknikkimik aningaasaqarnermillu naliliineq tunngavigalugu aalajangersarneqartarpoq.

Aalajangersagaq manna pisortat pigisanik aalaakkaasunik niuerfimmi unammillinnnginnissaannut sunneeqaataassaaq. Kommunalbestyrelsip inissiamik tunisinissaminut taarsiullugu, inissiaq pisortat inissiaataattut attartortittakkatut atorsinnaavaa.